

# 1 Timoti

<sup>1</sup> Na Paulo, kibi iwa gemaile, Anutu so Yesu Kristoŋo na aposolo wane uratao bira nangoik, Yesu wane pi don wane gemaile, Anutuŋo ŋene mapit ŋonge, so naso Yesu Kristo kine kine korop maulukeake, ea wane tomaka gemaine.

<sup>2</sup> Na Timoti, naŋane kibi ge iwa qe ginmaile, ge naŋane giponne koboine, mali malipse weku, maine Anutu Magak so Yesu Kristo, Waomze eto mosopgane more sot turuŋone nigetosiake, paki peam gingeik.

## *Isi Don Kito Ebon Ebon Wane Girem Don*

<sup>3</sup> Na Makedonia kepeo arikalane, okane more golatkole yale okangene, so Epeso matko takotke ge natneŋo isi don kito ebon okanmami, yewa rawettonnom qelingei.

<sup>4</sup> Eje nemu kisi rau paki, ŋei atañine atañine ge sakoi, eñane kine rau ket sa okangi ra kito qokinerop wakon okanmaike, yale okanbi, Anutu wane wet dereretine mi qesiŋkamaike, ŋene mali malipzeŋoka Anutu wane wet dereretne detlukkamaine.

<sup>5</sup> Don wele rara, yemo iwa yale wakongi menageake, wet qelaŋan, wet koboboine so wet mali malip korop ge more wet maep maratkakene.

<sup>6</sup> Ŋei natne eñe numa iwa qeyau more don sinoine wele midaine ma wakone magemami.

<sup>7</sup> So eñe enñenane Anutu wane ra togon don wane kito ebo ebon okangei wane ra okanmami,

eɲe sorin borin okan okanmami, ɲo eɲe siluɲ enɲene donene yewa mi detokanmami, yale okane more don yau yaup ra okanmami.

### *Rara Togon Don Ea Don Maine*

<sup>8</sup> ɲene ra togon don wane iwa yale det okanmaine, ea don maine, so kineine detluke more magekene.

<sup>9</sup> Kine iwa yale desikene, rara togon don yewa eɲe ɲei maine sot midaine eɲane biɲek mi okanmaike, eamo ɲei iwa yaline eɲane biɲek okanmaike, eɲe rara togon don qe barakmami, eɲe aɲa biramami, eɲe Anutu ewine mi kito okanmami, eɲe sot korop, eɲane masi borikine, eaɲo Anutu wane masi so don koboboine ea qe barakmami, eɲe nabok magak enguwi seukmami, eɲe ɲei ɲerep enguwi seukmami.

<sup>10</sup> Bailalaɲ ɲei ɲerep eɲe ɲei ɲerep yau yaup marat nagumami, ɲeiɲo ɲei edomka marat nagumami, eɲe wesi maikei wane ɲei ɲerep kobu ebumami, isi ɲei, eɲe Waom wane eɲetko ra more isisiwo ra togolemami, so eɲe borikine natne, ɲenane kito ebo ebon don koboine ɲabaka okanmami, rara togon don iwa yemo kine kine yalinane ra wakon ra wakone.

<sup>11</sup> Don wele ea yemo, miti don yale, noɲo ra qelaɲanikalane ra more Anutuɲo ra ninge, biɲek don iwaɲo ɲedanmaike, yemo Anutu eɲe qeli ewe zonom so mosopinerop.

*Anutuɲo Paulo Wane Qom Borik Okange Ea Wane Paulonjo Anutu Bakomine Kitoke.*

<sup>12</sup> Waomze Yesu Kristo eņe zonom nine more matogole nange, ea wane bakomine kito okanmaile, oņo detnangi menanņi, eņane urata makalane ra ninge.

<sup>13</sup> Na qei bano eņetine ra matali okan ka more ņeikoune engu kito okane more wawaine okan kakole, onoka wane na mi malip kakole, kineine ņanņawe paki, yale okan kakole, ņo Anutuņo yemo nanņane qomine boriki siluņ turuņne qeliņe.

<sup>14</sup> Paki, Waom eņe manerop mosopnane more Yesu Kristo eņane simile zok pa mangane ra more, eņane mali malipine weneņ qe watke ninge.

<sup>15</sup> Yesu Kristo eņe borikine mama korop ma menanņ ņoniakane, kepeo ketke, don iwa welekakatne, ņei ņerep koropņo dere more malipka warekene, so qom borik desikene, noņo sot okangole paki, borikinane biņek suaine okane gekole.

<sup>16</sup> No Yesu Kristo oņo yemo ņei ņerep koropņo iwa yale detluk kaikei wane, eņe ņei borikine me sot turuņenerop bororom okanon mageake, yalewa wane, eņe alakan nanņane qom borik detki paki, makoboe biranange, yemo ņei ņerep koropņo maine nanņano masi make, ea ka more korop eņe malip kaikei, so wisika gege mau paki, naso baņem naso baņem ge ari gekei.

<sup>17</sup> Neı ņerep eņe maine naso baņem Anutu wane ewine kito more oi bakom mawa mawa okanka ge arikei, eņe naso baņem naso baņem gege togon ge ariake, dezeņo mi kakaine, eņe Anutu koboine weku, weleka!

*Pauloŋo Timoti Biŋek Don Wane Kawaliine Qeakane Birakake*

<sup>18</sup> Medepne Timoti, alakan geŋane rara togon, don doku tau tau ŋei ŋerep eŋane propet edo wakongoi, ea wane rokopko don togon ra gingoi, iwa yale ra more ginmaile, ge don yewaŋo tebe ŋororŋone okangi, kawali togole qekene.

<sup>19</sup> Paki ge mali malipŋone so wetŋone qelaŋanerop koboineka warekanom pakep, ŋei natne eŋe wet qelaŋanerop koboine gege ŋadekkakoi, wane mali malipene qororŋgi qeyaukoi.

<sup>20</sup> Eŋano ŋine mane Himenaeus mane Alekzander, ŋei iwa ere na Satan wane meteo biraotkole, Satanŋo wikile epongi, geuk paki ere wetetne zingeki, ere koso Anutu wane ewe ma baik mi okankaik.

## 2

*Meŋe Meŋen Wane Don*

<sup>1</sup> Na alakan don mane doku tau tau magu edane qebin ongole, ŋine doku tau tau magu edanbi, eŋe Anutu meŋenka dage olatpi, oŋo ŋei ŋerep korop qesiŋ oniake. ŋine Anutuŋo ŋei ŋerep qesiŋ oniakane meŋenkau, so Anutu wano ebeŋine bonepkekei.

<sup>2</sup> ŋine ŋei ŋerep korop eŋane ra more Anutu meŋen kaikei, kepe ŋei ware ware so ŋetneekopene eŋane weneŋ meŋenkau Anutuŋo qesiŋoniake, pakiso ware ŋonbi peamgo bolomine so pitikatne geuluke more Anutu wane tanik manik koboine yewa mogasikene.

<sup>3</sup> Anutuŋo ŋene korop ma menaŋ onge, ea wane meŋe meŋen yalineaŋo Anutu zane kaitko wekumane okanmaikane detki menageake.

<sup>4</sup> Oŋo ŋei ŋerep korop menage more, don welekatnane weleine dere wetke okangei wane ra okanmaike.

<sup>5</sup> Anutu weku ge ŋebonmaike, so Yesu Kristo oŋomka Anutu so ŋei keuzo qeturanaŋone gemaikane, eŋe ŋei okange, ŋo ge ŋebonmaike.

<sup>6</sup> Eŋe gegeine qaisikka more, ŋei ŋerep korop ŋenane turuŋze make, ea wane don kisi-ineaŋo didiwo sua ariakane, Anutuŋo nasoina motke, yewao eŋe ŋenane wetine suaine paki menaŋenane rake, ea wane weleine sikan ŋonmaike.

<sup>7</sup> Pakimo eawane donkisi edanikalane, Anutuŋo na eŋane tungo biranange, don kisi yewa don wele, na ŋei qelaŋ eŋe don wele ea wane kine malip kaikei wane ra qelaŋane kito ebonmaile, na mi isimaile, na welekatne ramaile.

<sup>8</sup> Na matko matko ŋei meŋen kaikei wane ramaile, ŋei yewa sotene mi osiake, Anutuŋo meŋen meŋenene desiakane eŋe malipkau, yale okane more meteene libeka paki Anutu wano bira more meŋenkakei.

<sup>9</sup> So ŋerep eŋane ramaile, eŋe takotene mayakatne bira more ketkele geu, yewaŋo kibi maepene okaniake, eŋe wawaine misuk okane more lewetene kibi makei, me solaeno kikum kibine kine kine me gol, me takot lewine wawainaŋo qoli qoline yewaŋo aukei.

<sup>10</sup> Midakaka, ŋerep eŋe Anutu wane medep gekei wane dere more eŋe urata kine kine

mayakatne yewa makei.

<sup>11</sup> Njerep enje ketkele mepene qoiqoine gekei, paki ketene more so dereret urata makei.

<sup>12</sup> Na njerep mane detonbe, kito ebo ebon urata mama me nej yuanone gege ea wane mi detonmaile, enje yaup ketkele gekei.

<sup>13</sup> Adam enje alakan mawakonkake, nj Ewa yemo njado ma wakonkake.

<sup>14</sup> Satanjo sari Ewa liwek kaki, Anutu wane anjaine birake, nj Satan enje Adam mi liwek kake, enje silun anjaine birake.

<sup>15</sup> No silun njerep enje medep ebu ebu wane menageake, mali malip so wet maep korop okane more wet koboboine gege njerep yaline enje Anutunjo maine ebuyake.

### 3

#### *Miti Wane Njetne Mama Enjane Donv*

<sup>1</sup> Mane enje miti wane njetine mama geakane rayake, enje urata lewine suainane similekamaike yale raikene, don iwa welekatne.

<sup>2</sup> Pakiso, miti wane njetine mama enje sot midaine koboboine njanomine weku enjeropka geake, so kotinane sawe geake, okangi bori worine midaine mayakatne geake, nej kunejine mat maneo njine sariu kima ebuyake, so kito ebo ebon urata mauluke mayake,

<sup>3</sup> enje doku togole ne qelan qe gege mane misuk nekei, enje sot osi osirop mida, wet pesek so peamine geake, enje wesi abonj wane bailalanj misuk okaniake.

<sup>4</sup> Ene enjine sotawekoune me njerep medepine mauluke wareoniake, so ene raki gipon borasokoune ewine kito more anjaine tewekkei.

<sup>5</sup> Mane ene enjine sotawekoune so njerep medepine mauluke mi ware oniakenjo Anutu wane doku tau tau magu daleo magak okan oniake?

<sup>6</sup> So doku musele tau taune nej mane ene miti wane njetine mama misuk geake, sogino Satano Anutu wawaine okan kaki, osopkaki ketke, wane nej yaline ene wawaine okangi, Anutujo yalewaka osopkaki kesiake.

<sup>7</sup> Nei mane ene enjine koboboine nej njerep doku tau tau maguo mi takotkeki, enano payakenjo njetine mamaine geake paki, ene gaisikkau Satan wane subano mi kitoyake.

### *Doku Tau Taune Enjane Qesi Qesinj Enjane Don*

<sup>8</sup> Doku tautau enjane qesi qesinj nej, ene yalewaka wetene koboboine, wet me belakam etkeka misuk gekei, me doku togole ne qelan qe gege ea mane misuk nekei, me nej natne enjane wesi abonj wane bailalanj misuk okanikei.

<sup>9</sup> Ene wetene koboboine qelananerop paki, Anutu wane mali malip don sogine sanko pake, so wele mo sikan njonge, yewa malip kakei.

<sup>10</sup> Njine mikepka urataenane liwek ongei, liwekone onbi urata maineka makeiwo, yemo ene maine doku tau tau magu enjane urata nej okane gekei.

<sup>11</sup> So njanowekopene ene yalewaka wetene weku paki, yeye kine kine wet maepko okangei, don njade njade misuk rakei, sawe ge more koboboine gekei.

<sup>12</sup> Doku tau tau magu enjane qesi qesij nei, enjane njanomine weku enjerop wet peseko ge more, njanom dokoine ma suluke wareongi, anja tewe tewe korop gekei.

<sup>13</sup> Neiwa doku tau tau magu enjane qesi qesij nei ge more, urata mauluke ma okanmami, enjane enjetene weku mane wakonge, enjane maine eweke more mali malipene Yesu Kristo wano ra qelanjagei.

### *Anutu Masi Tanikinane, Don Lopenjine*

<sup>14</sup> Na mo welekatne gejano ikopka umore ganikalane okane more, kibi iwa qe ginmaile.

<sup>15</sup> Na esatka mi u lotkekaleo, yemo ge kibi yewano Anutu wane mat urumgo koboboinne gege wane golasiake, Anutu gege togon wane mat urum yemo nei njerep magukoune, enjane bosij togogole no mat umatne teweke okoramaike, yalewa Anutu wane don wele teweke okorakei.

<sup>16</sup> Anutu wane don sankapake, ea ra qelanjane okanmaine, yewamo onja qae qaeinerop, nei maneno don yewa maine mi bisopkeake, enjane nei yale didiwo wakonge, Asuno kineine ma wakonge yewamo koboinne, so Anjelo edo kakoi, don kisiineno nei njerep korop enjane ariake, kepe banjem nei njerep enjane detluk kakoi, Anutuno enjane qelanjane koto qeliwo mawake.

## 4

### *Isi Nei Enjane Don*

<sup>1</sup> Asuno alakan iwa yale ra wakone ra okan maike, ban njado nei natne enjane mali malipene



qeligeu paki, asu isisine enjane dongo makatake more, anjelo isisine enjane anjaine teweke qelitene qe gekei.

<sup>2</sup> Isi nej enj kotoene di kiti kitine yalinane, masi tanik isisine mau paki, isi don yewa ma wakon okanmami, no wetene yemo seu seune, gerepno zeki ososot kemaikae yale paki, enj borikine yewa maine mi desikei, me duma koboine mi mogasikei.

<sup>3</sup> Paki nej isione raikei, njerep mi ma more yaup qaluwit gekene, so nej natnenjo Yuda wane ra rokop don togon mogare ge more rau, njara yau yaup misuk nekei, njine yaup saweka gekei, no njara korop yemo Anutujo nekenane, ma wakon warekane mali malip korop jene kineine yale dere more, Anutu bakomine kito more ma ne okangene.

<sup>4</sup> Anutujo kine kine korop ma wakonge, yemo mayakatneka, ea wane meje menenjo bakomine kito more ma ne okan okanmaine, yewa mi qaisik kaikene.

<sup>5</sup> Onoka wane, Anutu wane don so meje menenjo qesinjaki, kine kine yewa koboboine okangi, Anutu enj detki menanj okanmaikae.

### *Timoti Enj Kristo Yesu Wane Qelit Nej Mayakatne*

<sup>6</sup> Ge don ea nej njerep natne doku tau tau magu enjane wet dereret qe wisikae more edangeneo, ge Kristo Yesu wane qelit nej mayakatne anja tewe tewek korop gekene, paki Anutu wane don wane kine wele yewano mali malip njonane lopenjine qesinj okangi gekene,

<sup>7</sup> paki sele n̄rep edo donkisi yauwine ra okanmami, don kisi sinoine yaline eamo n̄dek kaikene, ge Anutu wane tanik manik, ea wane kine detluk kaikene, kotoŋonane ewe ewek wako-niakane oŋaine teweke gesokkene.

<sup>8</sup> Sola ewe ewek wane liwekke gege, eaŋo zok wele wawaine mi okanmaike, ŋo koto ma ewekka more, oŋaine geso gesok ea wane weleine yemo iwa kepeo so baŋ gemage, qeliwo weneŋ wakoni-ake.

<sup>9</sup> Iwamo don welekatne ŋei n̄rep koropŋo dere more malip kaikene.

<sup>10</sup> Anutuŋo ŋei n̄rep korop koso ebu okanmaike, so ŋei n̄rep wetŋo Anutu malipka okanmaine, ŋene mainŋone okanmaike, ŋene Anutu gegeinerop eŋe wetzeŋo malipka more, n̄buyakane toma kamaine, kine yalinane ŋene urata suaine mamaine.

<sup>11</sup> Don ramaile, korop iwa ŋei n̄rep korop kito edannom, dere more tewekei.

<sup>12</sup> Ge ŋei qaluwit gemainane, ŋei n̄rep eŋe geŋane detpi ketkele misuk okaniake, ge wet maep korop, so mali malip korop, so wet qelaŋan gorop, ge more, doku tau tau magu donŋone so gegeŋoneŋo alakane ebonikene.

<sup>13</sup> Ge nanane tomanane genom paki, Anutu wane don wele didiwo yewa ŋei n̄rep dapore kito ebongene, so edane mauluk okane genom, na sari lotkekale.

<sup>14</sup> Miti wane ŋetne so doku tau tau magu edo propet eŋane don teweke more, meteene leweŋono more mosop gangoi, mosop yewa wane weleine siuke giniakane, mauluke ware kanom

payake.

<sup>15</sup> Ge ea wane dere mezet okannom paki, urataine togole ma more mauluke manom, ea wane weleine wakone sua ariki, nei n̄erep korop ēje kau menageake.

<sup>16</sup> Gēnonane diam̄one maikene, so nei n̄erep kito ebo ebon n̄onane diamine wenej maikene, ge diam tako rakot yale ma gekene, onoka wane, ge yale okangeneo, yemo uratajone yewajo gējone qesīj ganiake, so nei n̄erep kito edannom detmami, ēje wenej qesīj oniake.

## 5

### *Nei N̄erep Ma Koboe Onikenane Don*

<sup>1</sup> Ge nei mane suaine don gereunerop misuk olasikene, olatkenane okannom paki, yemo magane ranom paki, don bororomgo olasikene, n̄o nei medep yemo n̄on tarekopne yale ram pakiso, tikjanen̄ makoboe onikene.

<sup>2</sup> N̄o sele n̄erep yemo nagakopne yale ranom paki, bororom makoboe onikene, n̄o n̄erep natewen ēje yemo kiarokopne yale detnom paki, wet̄jone koboboineka paki makoboe onikene.

### *N̄erep Mala Ējane Don*

<sup>3</sup> N̄erep mala n̄aokopene welekatne seu seune ējane eweene kito more mapitongene.

<sup>4</sup> N̄erep mala, mane ēje gipon borasokoune me n̄osakoune gekeiwo, yemo ēje miti wane numa iwa yale okanikei, ēje ān̄a tewe tewek pamaikane, nabok magak so aso migakopene ējane turūjine ma suluke wareone more, qelitene

qেকে, onoka wane yale okanbi, Anutuño detki menageake.

<sup>5</sup> Njerep mane eñe welekatne mala, doko ñosakoune midaine, maño warekayake, eñe wet-  
neño Anutu wane motki paki, qesiñ kayakane  
tako rakot ruo so kaiwe meñenka more olasiake,  
eñe mala wele raki paki mapit ongene

<sup>6</sup> Ño mala njerep mane eñe solainane don  
teweke bailalañ urata mayakeo, eñe siluñ  
wisikaunenjo koso seu seune yale okaniake.

<sup>7</sup> Don iwa edan lukenom dere more manenjo sot  
mane misuk ma wakoniake.

<sup>8</sup> Ño mane eñe kimakoune so eñine wenem  
sotakkoune mi ma suluke ware oniake, eñe mali  
malipine mo qeliñgi paki, qelañ ñei eñane gege  
yewa yuane, qelañ togole okaniake.

<sup>9</sup> Njerep mala mane eñe komaine 60 mi  
maratkaki, njerep mala natne eñane eñet tegoo  
misuk takot kekene, ño mane eñe ñaune weku  
maki paki, eñeropka geki paki, seuke eñe koma  
60 okangi, maine eñetine mosikene.

<sup>10</sup> So eñe urata kine kine mayakatne mauluke  
make, kineine yale desikei, so eñe gipon bo-  
rasokoune ebuki paki mauluk one more mire  
gume onge, me eñano ñei lobo sariu ebu more  
matino koto biraonge, me Anutu wane ñei njerep  
eñane kieene saukke, ket qeqine bori worine  
maulukonge, so eñe mauluk mauluk urata kine  
kine mayakatne make, kine yale dere more njerep  
yaline eñane eñetka qekene.

<sup>11</sup> Ño ge njerep ñaokopene seu seune eñane  
eñetene eamo misuk papiao qekene, onoka wane

eje nei koso ebukei wane simileene paki Kristo nadekka okanmami.

<sup>12</sup> Paki alakan rara togon donene yewa qe-barake more, sot korop okan okanmami.

<sup>13</sup> So urata kito qoke more qewolon ge okanmami, so yewaka mida, eje mat maneo njine mat maneo wawa ketket ge okanmami, paki don sinoine borikine yewa natne enano njine kobu ma ari more, don kine kine mi raraine, yewa rau sua ari okan maike.

<sup>14</sup> Ea wane, na iwa yale ramaile, njerep naokopene seu seune eje koso naokopene ebuwi paki, doko medewekopene qepokeu paki, kat matene mauluke warekaikei, yale okane geu, nabakopze eje don borikine nedangei wane numa zuage more qelingei.

<sup>15</sup> Nene njerep mala wenjem musele natne eje mo ikopka numa qeyau more, Satan mogatka ari okanmami.

<sup>16</sup> Nerep mane eje mali malip korop, enane keuo njine mala njerep natne gekeiwo, yemo onjo mala yewa kito qesiŋ ebuyake, eje umat yewa doku tau tau magu enane kuteno misuk mosi-ake, pakiso doku tau tau magu eje mala njerep sotawekopene midaine, yewaka weku kito qesiŋ ebukei.

### *Netne Wareongenane Don*

<sup>17</sup> Nei sele netne urata weku mane maulukke ma okanmami, eje doku tau tau magu njine lewine mawa more qoleonikei, netne urata togole ma more Anutu wane don edan okanmami, so kito ebon okanmami, yewa enane ramaile.

18 Anutu wane papiao yale ramaike, “Bulamakau eje kinejo urata mau, wit lapelekki ariki, anjaine misuk mawon gekene, eje maine neake, yale waka urata mama nej eje lewine maine mayake.”

19 Nei netne mane wane qalosip don wakongi, nej wekujo raki ejane don misuk desikene, nej etke me karewejo rau so, yemo maine desikene.

20 Nei netne natne borikine maikeiwo, yemo netne kimakopene ejane kaitko don girem edanom, netne kimakopene eje one more kaet oniake.

21 Na Anutu wane kaitko, so Kristo Yesu wane kaitko, so anjelo koboboine ejane kaiteno, don ra togole more rawe detnom, na don golat warekole, yewa qeligenom mane misuk kesiake, so gejone wetjono qeyau nej njerep tanik kine mane kine mane zok misuk qebin onikene, ge kine wekuka rokopko okan onikene.

22 Ge Waom wane urata ranom paki, nej mane esatka ma more misuk meterjone lewino more mosop kaikene, ejane sotjo gejane kutjono wayakane, gejone kotonjone warekanom, libeka payake.

### *Zoma Don So Borikine Wako Wakon Wane Don*

23 Ge gom kiki so zoma wikile zok okangan okanmaikane dokuka misuk nekene, wain doku ewekine me nigatnemde wenej nenom, kanjone qesiŋ kayake.

24 Nei natne ejane borikineene yemo kine ma wakon ma wakon naso mi bomileki, esatka didiwo wakongi, ka okanmaine, jo nej natne

enane borikineene yemo sanko pamaike, nado wakoniake.

<sup>25</sup> Rokop yalewaka tanik manik mayakatne eawane weleine natne yemo esatka didiwo wakonge ka okanmaine. No natne sanko pamaike yewamo gemage yalewaka mi payake ban didiwo wakonwareake.

## 6

### *Qelit Gege Enane Don*

<sup>1</sup> Qelit gege, ene korop nei waom kopene enane detpi waki eweene kito more, aneene teweke qelitene bororom qekei, yale okanonbi, enano nene qelan nei natnejo Anutu wane enetine misuk detpi kesiake, so doku tau tau magu nenze kito nebo nebon enane misuk detpi kesiake.

<sup>2</sup> So nei waom kopze natne ene doku tau tau, so mali malip korop, nene kima maine okan nago okanmaine, qelit qeque nei ene yale rau paki, nei waom kopene misuk ma ket biraonikei, ene iwa yale desikei, nei waomkopze ene doku tau tau magu, ene kimakopze, no uratazane lewine qolenon okanmami, qelit nei ene yale rau paki, qelitene wet pesekko ge more qe ebonikei.

*Wesi Abon Wane Bailalan Zok Mi Okangene Ge Don Iwa Nei Nerep Korop Kito Ebon Warekene So Mauluke Edannom Dere More Malipka Warekei.*

<sup>3</sup> Nei mane ene don iwa qeyau more, don kunejine mane nei kito edaniake, ene Waomze Yesu kristo wane don welekatne so nenze numa koboboine, yewa qaisikka more nadekkamaike.

<sup>4</sup> Nei yaline eņe wet qelaņ okangi paki, solaine mawayake, so kine kine wane kine mane mi dere more, don yau yaup ra ariki, yewaņo bailalaņine okaniake paki, ea wane sori sorin, so don ęaba okangi, yewaņo tebakaki, qaisik qaisik don, kobu edo edo, mabaik mabaik don so det worik yewa wakon okanmaike.

<sup>5</sup> Paki, eņe naso baņem don busu au okanmami, ęei yaline eņe wet dereretene qelaņine okangi, eņe don wele yewa mane mi malipka ge okanmami paki, eņe iwa yale wetke okanmami, Anutu wane don so tanik manik yewaņo tebakaki, wesi aboņ gorop okangene, yale det okanmami.

<sup>6</sup> Welekatne, ęei mane eņe Anutu wane don tewekki paki, eņane numa mogasiake, eņe Waomņo warekake, mi ęaņaeke kine kine maine wet pese desiake.

<sup>7</sup> ęene nagakopze eņane ęateno ęine wakon okanmaine, naso yewao wesi aboņzerop kepeo wakon okanmaine me? Midakaka! Me baņ gemage, kepe qeliņgene naso yewao wesi aboņ weneņ ma arikene me? I midakaka!

<sup>8</sup> Ea wane ęene ęara soep so takot laplap mane pa eboniakeo, yemo maine rokopzo ma gekene.

<sup>9</sup> Wesi aboņ suaine koaņgei, ęei ęerep yewa eņe borikinane liwe liweko waket warekei, paki, kine kine yauwinane bailalaņ okane, ea wane wetene suaine motpi paki, qelaņ so ęet korop yewa wane simileņo ęei ęerep yewa waraņongi ket ware, seu seu wane suba bano waketpi enguwareake.

<sup>10</sup> Wesi aboņ wane simileņo borikine kine kine ea wane ekiine okanmaike, ęei ęerep natne wesi aboņ wane simile zok dere mageu, yewaņo



waranongi, mali malipene qeliŋka wareu paki, qom borik wikile suaine zok maratkakoi.

*Gege Togon Marat Kaikenane Sorin Gekene*

<sup>11</sup> Njo Anutu wane ŋei, ge kine kine yaline ŋadekka warekene, paki dere qeka midaine, ŋei wele, mali malip korop, wet maep korop, togole togolerop, so wet pesek korop okanikenane sorin borin okanikene.

<sup>12</sup> Paki, mali malip wane gege urata mauluke maikene, ma more gege togon marat kaikene, ge gege yewa marat kaikenane Anutuŋo gora newan gange, so ge goŋom yale okanikenane, ŋei lewa lewago ra togolenom detkoi.

<sup>13</sup> Anutu, yeye kine kine korop eŋane gege ma wakon okan mageake, eŋane kaitko so Yesu Kristo, Pontius Pilat wane kaitko don welekatne ra togole golat lukewe,

<sup>14</sup> ge Anutu wane don yewa mauluke warekanom, matali qetali midaine so ma sigileu diine midaine, libeka pamageki, naso Waomze Kristo Yesu lotkeake.

<sup>15</sup> Kristo lotkeakane naso, yemo mo Anutu oŋom ka motke, naso yewa bomileki, Anutu mosop welaine so ware ware weku, ŋei waom eŋane, ŋei waom so waom eŋane Waom, oŋomka Kristo talekaki didiwo wakoniake.

<sup>16</sup> Eje bonepine seu seuine midaine qelaŋan koto gemaike, qelaŋan yewa ŋei manenjo mi marat kayake, so ŋei manenjo mane mi kakoi, so ŋei manenjo mi kayake, eŋano bakom mawa mawa so zonom papa togon pa ariake! O, Weleka.

*Lopenjine Papa Togon Maratkaikene*

17 Nei kepe iwa wane abonj suaine pa ebonmaike, eje edannom solaene mi mawa nagu more, kine kine yauwinane detpi, yewajo lopenene okangi, yewao mi gesoke togole okorakei, midakaka! Anutu eje morian ma wakone nebongi nema okan okanmaine, enjano kito gesoke togole okorakei.

18 Edannom, nej abonjene suaine eje urata mauluke maikai, ma more ea wane weleine mayakatne maratkaikai, paki qom ewek, okane more wet peseko kimakopeene natne mapoke ebonikei, yale okanbi paki, wet pesek desikei.

19 Numa yalewaoken okanbi paki, nago nagon mane papa togon yewa maratka more, ea wane weleine njado okanikei, paki eje ban njado maine gege wele yewa marat kaikei.

### *Timoti Wane Girem Don*

20 O Timoti, ge Anutujo urata ginge, yewa mauluke warekanom paki magekene, don sinoine wele midaine so isi don, nej natnejo mage okan okanmami, yewa njadek kaikene, eje isi don yewa mage more, iwa yale ra okanmami iwa, “dereret don” yewa yemo Anutu wane tanik manik ea wane njabaine okanmaike.

21 Nei natne eje ra okanmami, “Nene dereretze wenenj,” yale ra more Anutu wane don wele, mali malip wane numa yewa qeligeu siukke.

Anutu wane mosopjo njinano korop pa wareake, o, weleka.

**Waom Yesu Wane Sigi Maep Don**  
**The New Testament in the Ono Language of Papua**  
**New Guinea**  
**Nupela Testamen long tokples Ono long Niugini**

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Apr 2025 from source files dated 31 Aug 2023

646541a1-8d36-5993-802c-6bb850da5963